



Broj: 0101-6388-1/19
Sarajevo, 19.07.2019. godine

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje, nauku i mlade
N/r: mr. Zineta Bogunić, ministrica
71 000 SARAJEVO

KANTON SARAJEVO

23.07.2019 JB

Predmet: Odgovor na zastupničko pitanje zastupnice Segmedine Srne Bajramović, *dostavlja se*

Veza vaš akt broj: 11/05-38-23146-4/19 od 09.07.2019.

Poštovana ministrice Bogunić,

Zahvaljujemo na proslijeđenoj zastupničkoj inicijativi uvažene zastupnice Srne Bajramović o GhostWritingu.

Disciplinska odgovornost studenata je definirana članovima 173-174. Statuta Univerziteta u Sarajevu kojima je *prezentiranje tuđeg rada kao svog*, krivo predstavljanje, prisustvovanje provjeri znanja u ime druge osobe, prepisivanje na provjerama znanja i korištenje nedozvoljenih elektronskih pomagala u svrhu prepisivanja, *definirano kao teža povreda obaveza studenta*. U tom kontekstu studentu se za povredu obaveza mogu izreći sljedeće disciplinske mjere: a)javna opomena, b)opomena pred isključenje, c)isključenje sa studija.

Nastavnici su u toku mentoriranja rada kandidata dužni upozoriti kandidate na poštivanje akademskog integriteta u procesu provođenja istraživanja, kao i pisanja rada.

Nadalje, u skladu sa članom 54. Pravila studiranja za prvi, drugi ciklus studija, integrirani, stručni i specijalistički studij na Univerzitetu u Sarajevu, student je dužan dati pisanu izjavu da je završni rad njegov autentični rad.

Svakako, cijeneći Vašu inicijativu ova tema će biti stavljena na razmatranje na sjednicu Etičkog savjeta Univerziteta u Sarajevu, čija je nadležnost u skladu sa članom 97. Statuta Univerziteta u Sarajevu da savjetuje rektora i univerzitetsku zajednicu o općim pitanjima koja se odnose na etičnost ponašanja, prakse i naučnoistraživačke/umjetničkoistraživačke aktivnosti na Univerzitetu, te borbu protiv plagijarizma.

S poštovanjem,

REKTOR

Prof. dr. Rifat Škrijelj



Nabavi



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/05-38-23146-4/19
Sarajevo, 09.07.2019. godine

UNIVERZITET U SARAJEVU
Sarajevo, Obala Kulina bana 7/II
n/r prof. dr. Rifat Škrijelj, rektor

11/17/19
001-6328 / 19
11.07.19

PREDMET: Izjašnjenje na zastupničku inicijativu, traži se

Poštovani rektore prof. dr. Škrijelj,

Ministarstvo za obrazovanje, nauku i mlade Kantona Sarajevo je zaprimilo zastupničku inicijativu koju je na Desetoj radnoj sjednici Skupštine Kantona Sarajevo, održanoj dana 24.06.2019. godine, postavila zastupnica u Skupštini Kantona Sarajevo Segmedina Srna Bajramović.

Zastupnička inicijativa u intergalnom tekstu glasi:

„Pravila studiranja UNSA, kroz članove od 50 do 59, uređuje temu pisanja završnih radova (diplomski radovi na I ciklusu i master radovi na II ciklusu studija), gdje je u članu 53 eksplicitno istaknuto da „Završni rad student izrađuje samostalno“.

Međutim, već nekoliko godina imamo cvjetanje biznis fenomena u smislu prodaje diplomskih i master radova. Naravno, jasno je da se radi o specifičnom obliku plagijarizma (u svijetu poznat kao ghost writting) gdje pisano djelo nije autorsko djelo potpisanog autora, već nekog trećeg (tzv. ghost author). Na taj način se grubo krši ne samo zakon već i akademska etika, narušava se akademski moral, a od samog čina okončanja obrazovnog procesa se pravi cirkus. Bojim se da sve više koračamo u prostor u kojem diploma nije ogledalo znanja, nego posjedavanja novca što pravi nemjerljivu dugoročnu društvenu štetu. Stoga tražim od resornog ministarstva, da u skladu sa svojim ovlaštenjima, u saradnji sa akademskom zajednicom, definiše smjernice mentorima na koji način mentorisati, kako prepoznati kupljeni rad i šta u tom slučaju poduzeti, te koje treba, obavezno, da obuhvate proceduru disciplinskog postupka u takvom slučaju. Također, očekujem da se od strane nadležnih izvrše prijave profila na webshop portalima nadležnim institucijama, u cilju vrlo odlučne namjere da se sankcionišu pojedinci i/ili organizovane grupe koje se bave ovim aktivnostima. Na kraju moram reći da nemam iluzija da se ovaj fenomen može iskorijeniti. Ne može. Baš kao što se mnoga društveno devijantna ponašanja ne mogu iskorijeniti, ali zato i postoje zakoni koji takva ponašanja suzbijaju. Dakle, ovu pojavu je moguće značajno suzbiti. Može se




web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



poslati poruka da je takvo ponašanje neprihvatljivo. I to ne samo verbalno, već i kroz konkretne aktivnosti, izmjene zakona, uvođenje sankcija, uključivanje istražnih organa, itd“.

Molimo Vas da Ministarstvu za obrazovanje, nauku i mlade u što kraćem vremenskom periodu, dostavite izjašnjenje na podnesenu inicijativu kako bismo isto, nakon odgovarajuće obrade, mogli dostaviti zastupnici Segmedina Srna Bajramović.

S poštovanjem,



Dostaviti:

- ⊖ Naslovu,
- a/a.



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
SKUPŠTINA KANTONA
SARAJEVO



Босна и Херцеговина
Федерација Босне и Херцеговине
СКУПШТИНА КАНТОНА
САРАЈЕВО

20.6.2019.
Z. Bajramović
7167

Abid

Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Broj:01-05-23146-4/19
Sarajevo, 19.06.2019. godine

MINISTARSTVO ZA OBRAZOVANJE,
NAUKU I MLADE

SIFE

Zastupnica Segmedina Srna Bajramović na Devetoj radnoj sjednici Skupštine Kantona Sarajevo, održanoj dana 19.06.2019.godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovníkom Skupštine Kantona Sarajevo pokrenula je zastupničku inicijativu vezano za tzv. Ghostwriting.

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovníka Skupštine Kantona Sarajevo („Službene novine Kantona Sarajevo“- broj 41/12 - Drugi novi prečišćeni tekst, broj 15/13 i 47/13,47/15,48/16), u pisanom obliku, obavijestite Skupštinu o učinjenom.

Prilog: Zastupnička inicijativa Segmedine Srne Bajramović

CO:
-sekretar SKS
-sekretar Vlade Kantona



PREDSJEDAVAJUĆI
SKUPŠTINE KANTONA SARAJEVO
Elmedina Lončević
Elmedina Lončević

Pripremila: Jasminka Deliahmetović



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1



Bosna i Hercegovina
Federacija BiH
Kanton Sarajevo
Skupština Kantona Sarajevo
9. radna sjednica

ZASTUPNIČKA INICIJATIVA

n/p predsjedavajućeg, gosp. Elmedin Konaković

Ministarstvo za obrazovanje, nauku i mlade

Pravila studiranja UNSA, kroz članove od 50 do 59, uređuje temu pisanja završnih radova (diplomski radovi na I ciklusu i master radovi na II ciklusu studija), gdje je u članu 53 eksplicitno istaknuto da „Završni rad student izrađuje samostalno“.

Međutim, već nekoliko godina imamo cvjetanje biznis fenomena u smislu prodaje diplomskih i master radova. Naravno, jasno je da se radi o specifičnom obliku plagijarizma (u svijetu poznat kao ghost writting) gdje pisano djelo nije autorsko djelo potpisano autora, već nekog trećeg (tzv. ghost author).

Na taj način se grubo krši ne samo zakon već i akademska etika, narušava se akademski moral, a od samog čina okončanja obrazovnog procesa se pravi cirkus. Bojim se da sve više koračamo u prostor u kojem diploma nije ogledalo znanja, nego posjedavanja novca što pravi nemjerljivu dugoročnu društvenu štetu.

Stoga tražim od resornog ministarstva, da u skladu sa svojim ovlaštenjima, u saradnji sa akademskom zajednicom, definiše smjernice mentorima na koji način mentorisati, kako prepoznati kupljeni rad i šta u tom slučaju poduzeti, te koje treba, obavezno, da obuhvate proceduru disciplinskog postupka u takvom slučaju.

Također, očekujem da se od strane nadležnih izvrše prijave profila na webshop portalima nadležnim institucijama, u cilju vrlo odlučne namjere da se sankcionišu pojedinci i/ili organizovane grupe koje se bave ovim aktivnostima.

Na kraju moram reći da nemam iluzija da se ovaj fenomen može iskorijeniti. Ne može. Baš kao što se mnoga društveno devijantna ponašanja ne mogu iskorijeniti, ali zato i postoje zakoni koji takva ponašanja suzbijaju. Dakle, ovu pojavu je moguće značajno suzbiti. Može se poslati poruka da je takvo ponašanje neprihvatljivo. I to ne samo verbalno, već i kroz konkretne aktivnosti, izmjene zakona, uvođenje sankcija, uključivanje istražnih organa, itd.

Sarajevo, 19.06.2019.

Segmedina Srnbajramović
zastupnica SDP BiH u SKS